

中国公共图书馆古籍文献珍本汇刊·丛部

天津
图书馆

孤本秘籍丛书

中国公共图书馆古籍文献珍本汇刊·丛部

天津
圖書館

孤本秘籍叢書(一四)

任繼愈題



中华全国图书馆文献缩微复制中心

天津图书馆孤本秘籍丛书十四册目录

石渠阁订刻王谨山先生集十四卷	清王辰撰	清初刻本	一
清溪文稿不分卷诗草十卷炎州草一卷即墨节妇考一卷	清杨玠撰	清抄本	二九五
南岡诗草十六卷	清于豹文撰	清于巨澍抄本	七三七

(清) 王辰撰

石渠閣訂刻王謹山先生集十四卷

清初刻本

序言

余自庚辰以闌牘知謹山今踰
三紀乃復讀謹山之詩殊覺向
之知謹山未盡也謹山於書無
不讀爲詩宗主少陵且涉歷漸
深漸老憶庚辰時如太阿出匣
劉序一
光芒注射及相晤金陵已鋒穎
韜涵今則澹靜如老衲雖逐隊
需次而意思閒遠入都數月成
韻語若干大都不沿格套抒發
性情隨所聞見糠粃瓦礫皆可
信手拈來卽少陵所云波瀾獨

老成亦庶幾無媿焉謹山行爲
西湖主人兩峯高峙處山光水
色蕩漾空濛正足淘洗性靈從
容吟嘯吾知其所得益不可量
矣

北海友人劉正宗題

劉序二



補編目次

輿舟吟 有序 五言古

讀劉憲石師通齊詩

八月一日夜

述往篇

鵲聲

漫成

中秋月歌 時壬辰是夜月食

讀大白詩

補編目次

蛛網吟

門有車馬客行

妓嘆

重錄少陵集

黃河渡子歌 七言古

南旱北澇歌

穆陵關歌

人驢語行

羊裘行

洗紅辭 小引

空城雀

王昭君

公無渡河

壬辰九月九日寓長安杜門不出夜寫杜詩到

秋先近青岑季月當泛菊乃知今日是節日

把酒獨酌因成長歌

出兵行 三首

北行詩 三十首有序 五言律

補編目次

市水

市艸

市土

市石

長安夜聲 二首

索米禁不及米得 三首

壬辰七月二十七日入都門作 二十韻 五言排律

寄信兄 二十二韻

偶見白髮書懷 二十四韻

賜痛 二十二韻

壬辰七月十日初度 四首時在青州道中 七

長安感事 二首

秋夜

寄家 三首

聞警

僕壬辰夏自揚入京家累在揚比聞江南秋饑

詩以問之

入載吟 十首有引 五言絕

補編序言

夜坐 七首

李大虛先生與僕同寓廣陵詩文期許贈僕十

二絕句臨行不及答長安無事因追賦 十二首

附李 十二首

浮山子詩 二十首有引 七言絕

僕舊有留編邦編擬刻諸集改革後板盡毀偶

過門人蔣震青前帙猶有存者漫誌五章

古楊枝詞皆道南事少道北者因作北楊枝詞

九首

大言

小言

難言

易言

安言

危言

解大紳有文武醫卜漁樵耕牧絕句每半句一

事余一首每句雙又一首倒一首總用遣懷

云

補編目次

石塔寺化米序言

李大虛先生文集序

浮山子記事

補編

古安成無住道人王辰著

輿舟吟

有引五言古

余北行至濟南水漫數百里陸路成川土人
射利用柳木作艇僅容一輿又不善操以南
樗夾舟尾行荻中望遠樹爲歸過淺處則又
挈囊登岸曳空舟以進行人到眼無兔葵燕
麥之動搖居民淚垂有魚窟水巢之震恐道
途困苦至此極矣作輿舟吟以寓意云

補編

驅車濟水北水天遙一色舍車問舟子舟小似輿式
輿行多蕩漾舟行多偏側輿舟兩非是水陸渺無極
高山不見岡低土化爲塘白日跳蝦蟇黑夜響蜩螗
百里人聲絕古廟神像湮霧眼刺深蒿渴口涎濕稷
但覩水過處窮民他徙去爨竈額墮泥屋牆角沾汙
亡命乘薄筏赴險同灑瀕蹇與汨俱沒王良安能御
此地水三年今年更顛連古路已成河河水復揚波
遠近塞草萊猶聞租賦催我心憂且傷不覺涕淋浪

讀劉憲石師通齋詩

庚辛再屆期十年踰一紀北來無故交重得師弟子

刺投走相迎拭目兩細視我駭師鬢白師驚我髯紫
促膝語衷曲手握未肯已案頭滿新詩通齋是舊梓
開卷顏爲歡拍讀字字美此事千年來一燈暗室裏
彫琢傷腎腸淺薄輕口齒不具風雅才蝦蛙噪溝水
吾師人中匠振斧木屑披玉抽似山簋波蕩如雲詭
靜氣引深人閒情出至理粲甫奇播越島郊工窮揣
彼從百折中磨刷乃有此想師數載內艱難與我比
篋帙負長途襤褸繭荒趾隻句不復存存者浸泥滓

補編

幸師藥籠廣苓朮並收匭時俗各有尚談詩人詎喜
師不終棄予長陪黃石履

八月一日夜

短燭照孤旅微風透牖入露從今宵白雨餘前日濕
四壁亂蟲聲老蚊噴薄褶起視衆星隱初月正在翁
繩床懶成眠畏涼衣添襲展轉尋往事衾褥見維繫
側聞鴈南鳴夢中時欷泣

述往篇

虛窓掛蠨蛸前除響蟋蟀朔風吹暗雨涼夜病膚慄

忽然念往事濡筆一追述述之欲誰陳空山瘠道人
 葦腰斷世味眷屬遠骨親茅宿學瘴地笠遊湘水濱
 翻藏探佛理守律認僧真善語馴牧豎禪心喻耕民
 自分老巖谷終不走風塵詎意鳩入羅更逢鷹鳥過
 拳擊無遺力防衛環刃戈傾身落洞庭洞庭波未寧
 屈沉長逝影賈弔不還形湖濶撈棹疾順帆揚輕舠
 經日復不死浩哭動滄溟強之冠簪絃不使卜筮筵
 四十三年內無一歲自在幼既失母恃中復遭父背
 特典隆先皇又已悲易代三恩俱未酬哀感真懊悔
 補編

長安多新士當路少同輩敝鞍跨老馬此身焉逐隊
 瞬息見輪廻荏苒苔華催何忍歌長篇汗淚盈額腮

鵲聲

晨起方悶坐眾鵲繞簷鳴未必真有喜其聲負喜名
 羽翠鮮可愛頭青更露英向人但喳喳翹足屋上行
 自安飛鳥類不以言語爭彈兒惡念息筵客歡心生
 鵲鵲動遠懷鴛鴦嘆離情鴉噪取耳憎梟叫令魂驚
 借爾暫相對胃中銷不平

漫成

有口皆能談不談世上事有目皆能觀不觀俗人字
 塞耳復掩鼻久已死心意井鮒思江寬籠鶯想山歸
 出身不得所鱗毛總憔悴獵客兔置密龍虎方熟睡
 蛾火暫時起蝶花偶然戲高人具道情刦刦遠諸累
 縱寄閒閒中終不沾污膩

中秋月歌

時壬辰是夜月食

金水爭衰旺雲雷暗交構川原溢波流郊圻阻霧穿
 深夜羣星韜一月天中高高月吐光彩家家呼酒豪
 蟾蜍影孤清蟬螬氣蕭發良久陰力竭金魄漸退閑
 補編

四

似有物蓋蒙更如桑蠶餐既吞旋復出喉吻時哽噎
 初沒駭形絕突起驚勢凸蝕晦殆欲盡明暉重掛揭
 千山瑛琉璃萬瓦鋪霜雪可憐聞澹人獨旅無佳賓
 去年南樓坐斟酌徧隣親榼携雖簡薄歡情最動頻
 是宵亦復雨雨後月色新今茲覩朗曜又再逢虧照
 照徹客身窮秋風發奇峭倏忽具升沉頃刻換光陰
 在月猶不免於人轉見侵濁懷對清節辜負瑤臺尋
 讀太白詩

山水入城渾城月到山明屈曲自世間蘿薜與簪纓

大白本不羈詩酒樂性情開口羨蓬萊涉筆咤廣成
草創大還辭丹訣鍊長生永燐錯失身宋公心不平
脫囚佐幕府浩歌任縱橫懷恩賀知章被說高力士
得意清平調落鳧夜郎徒仙數有輪迴終不免生死
余亦學佛人人便稱佛子乃知謫仙名狂聲欺聾耳

蛛網吟

羣動何擾擾營生多艱難上絲掛蓬屋下絲牽花欄
左右布置密網成虛空團組織見巧心迴環百千端
仰竊月露餘俯羅塵土殘小蚊不擇飛誤向此中攢

補編

五

頭尾被縈繞翹足遭纏盤從容供剝啄戲弄如捉丸
瘠軀果飽腹臥息天地寬忽然狂風吹驟雨當街篩
纖微少根株斷絕頃刻期空費經綸力仍向簷低垂

門有車馬客行

門有車馬客朱輪錯金蹄頭上著高冠身上被錦綈
步履入中堂初見雙眼迷爲道兒時名兼述昔提携
乃知是鄉戚因亂各東西呼觴慰勞之觴舉對桮啼
坐定始復陳別來從鼓鞀偷身學文字已得官階梯
關河異家國母老孀中閨不悉存亡耗一夜百哀嘶

今言姻黨間死灰久成泥縱有未死者又似湯鑊鷄
淪海溝澮比蒿嶽培塿齊地運方翻覆天心正傾低
昔時鷹犬大今日象且犀功名及早建無勞歎夏畦

妓歎

偶從街頭過粉黛紛在眼頂間露高髻猶是青絲綰
有客呼妓言爾流儀何個優男夜衣冠優女晨梳盥
兩者視今人面目差不報妓乃跪致辭儂本良家產
被掠來軍中里中音信斷見儂頗顏色賣入青樓伴
青樓皆窮家家有主轄管日計千百錢悉自儂身纂

補編

六

空落下賤名厚實歸富幹幹性好狠戾皮鞭挽短短
小不中其意儂命頃息撫以幹比娼夫娼無幹凶悍
若更比良夫夫情生拆散一身百斛塵西江水焉澣
客急踏步去悔恨前語誕何必歌琵琶聞言淚已潛

重錄少陵集

往時初作詩便欲擬老杜得集篇篇喜如嬰護母乳
饑則必啼索飽亦常摩撫家藏恨不全從人覓缺補
書已覺脫脫吟猶將舌吐絨束篋笥中裝成非一部
爛慢丹青新減裂魚蠹古廝守惟此物留作詩家主

亂後遺落盡既棄莫再覩常言千黃金散去還可聚
手跡付他人并我腹盜取今浪稱詞客不須更學甫
但甫遭遇窮似我生平苦秦州固離披蜀都尤偃蹇
家食無長蒿山居有半虎引水遣行僕伐木課宗武
妻女媿飄零弟妹嘆析剖拾遺雖得官麻鞋褻君父
稷契昔聖臣幸爲舜肱股奈何咄嗟翁咤叱自比數
天寶值播遷安史縱跋扈當時有李郭中原藉撐拄
朗朗八哀詩一一備唐譜滿腔憤山嶽援筆泣風雨
君旣爲詩人當守詩門戶豈有登騷壇兼得升台輔

補編

七

重錄正爲此用開後儒瞽

黃河渡子歌

七言古

黑風吹沙飛馬尾布囊汗透衣生蟻黃河渡頭人如
麻長車短車聲疊疊豆粥麥飯混塵土洩潼渤漿牛
羊乳行人於斯倦欲迷天設險塹南北阻舟子招招
倚灘坐細數人騎共幾夥夏水漲漫洶濤連隔岸呼
來兩三舸皮鞭過膝泥沒尻兩脚輕踏捷於猱收裝
行李入艙去艣檣高架不肯操問之無答口仰天其
意只欲困吾曹吾爲婉語相勸爾客旅相逢方便美

亂經陸行又水行數錢空囊裏前年流寇拂地
來排門拆屋向河推不用爾婦亦飛渡爾等竄走山
之隈截手斷足傷頭目血髓成川骨成堆至今河畔
深夜月猶聞鬼哭聲哀哀奈何得命復作孽河上水
神英風烈度人自度功德說聽余作歌意諄切爲爾
洗心易前轍

南旱北澇歌

我從南方來炎蒸毒肌膚到處悶土龍徧戶懸神符
官司救旱無奇術暴殺城中數百巫五日無禾十日

補編

八

無麥源涸流竭罪地脉高岡赤日似火焚低田新秧
稿欲白男嗟婦嘆無寧止夜夜星月照巷陌擔夫揮
汗想息蔭渴馬思泉不得飲紅塵撲天塵難拂老蚊
嗜噉驚客枕豈意纔入北方地九十日雨無時已古
道淹浸魚作池茅屋傾倒鱉入蹊荒村漂沒少寄宿
市民煮鰯窮山寺濡體塗足淋淋漉漉我車一二我
馬五六輿人視程長蹉跌旅子供飧藉苜蓿乘船亦
如天上坐走馬況復泥中浴吾思南人得北雨農夫
不須桔槔苦北人若遇南地乾看花酌酒總是歡

有旱澇分南北孤客長征怨路塞

穆陵關歌

穆陵道古齊關石齒齒水潚潚滑坂黃泥車折軸一
溪未了一溪灣過客稀少無來輪稅官罷去作山民
村烟盡處好藏覆長矛短鈎截白晝

人驢語行

青州道上泥到股忽聞有人與驢語高低欹平口踣
踣呼咄叱喝惟鞭主驢不作聲亦不去四蹄蹙地如
伏鼠路旁有鳥知驢默當車喚道行不得

補編

九

羊裘行

白毛連卷色如雪小羔皮似大羊舌脫胎透風嫩膏
血撲殺剔剔恣裁截截取百十張縫作客中裳秋來
面目減蕭瑟冬至手足省乾彊篋裏鸛鵒敝無用市
上狐貂價甚重無貿無鬻費青錢一裘奢盡一年俸
夜長天高霜花燦鶉衣單孤仰河漢衾冷欲眠眠不
得擁此便勝擁爐炭

洗紅辭小引

少陵云羅襦不復施對君洗紅粧楊升菴作

休洗紅蓋嘆婦女之被掠辱者余感近事作
此辭傷之

十五羞堂前十六避隣舍若若十七八不識鞦韆架
南國從來風俗古女子廿年未婚嫁既婦從夫事姑
嫜一身分明百歲長織紵日并躬操作杵聲砧聲宵
夜忙澤髮僅沐猪膏潤塗唇罔沾燕脂香縷裙拖膝
布覆首木棉爲衣麻爲裳雙眸照老青銅鏡畢生厮
守苗竹牀一旦辭親愛逼從兵馬隊艾少恣譖娛醜
老役細碎並擒連嫂孀繞鞍雙姊妹食飲溲溺嚴禦
防出入驅成羊豕對吞屑縊索沉淵塞壑死者魂悲
生者形作人可贖今家室遠百其身兮刀刀縛暫離
籍作故鄉夢久來迷覺軍中樂馬上彎弓漸手強帳
裏唱曲喉不格亦有甘心奴婢使頭插草枝賣城市
更憐高門顏如花陪歡追笑青樓家男兒本自遭亂
窮女流何能免西東故雖失偶戀新雄洗紅洗紅縱
歸不是舊時客空含怨恨傷心中

空城雀

空城雀城空雀偏多玉階金砌生黍禾凝碧池頭唱

補編

十

邊歌雀不忍見之埋頭舊簷間黃口本自音聲蠻飛
入他城不是班餓不羨餘糠渴不飲零漿野梁盡入
官家倉歛翅縮足徒徬徨黃鵠千里弋者射爾若欲
俛喙高門生乍可孤身空城死

王昭君

漢家婚結烏孫四百年大平全是公主恩昭君後官
良家子帝命遠出焉敢近視妾身輕蠶紙國家安磐
泰山似歡抱琵琶馬上彈彈出新曲絕世美不願生
入關但願異域死果然干戈從此息翻得畫工惡描
補編

十一

力昭君有心人漢帝亦未知後人強作哀怨辭青塚
黃昏謾嗟咨

公無渡河

崑崙天高水天齊何爲盤迴曲折幾萬里倒作河流
濁似泥清則聖人出堯時乃洛洞鯨殺禹用忠全孝
痛至今河隄廟神威赫可懼豈如江湖自古濤世人
妄傳子胥怒被髮誰氏叟清晨亟欲渡冒昧涉凶險
溺沒還自誤三光朦朧亂天門四維覆蕩裂地根郊
原築肉飮鳥鳶川湖流血腥電龍悽風猛雨橫飛翻

揚沙走石蔽鬼冤河是衆水所噬吞惡波豈有不厘
喧公平公乎爾妻止爾誠知幾男子志四方孟浪事
多違不見重瞳亭長艤船且不歸但恨逝驢哭虞妃
壬辰九月九日寓長安杜門不出夜寫杜詩到
秋光近青岑季月當泛菊乃知今日是節日
把酒獨酌因成長歌

北地沙埃霾車軌杖策苦無山可登開書小字細如
蠅兩肘時將几案馮杜公秋光泛菊句課僕優暇偶
遣興我一見之動客愁咄咄惜重陽過駛驕彫胡炊破
補編

十二

煤土甌石礫徧地荒饑仍童孺糠粃眠床繩挈榼携
壺少儕朋南方天黑氣昏蒸遙聞戎馬走峻嶒爾足
纏頭家奔崩帽落誰人髮蓬髻菊花乾死故園棚菜
萸獨挿翻生憎常年攀挽高巔藤猿嘯鶴吟風清澄
兄勸弟酬笑語應醉拂長袖似飛鵬一命屈色強爲
承移文取誚林中僧蔽裘綴結步凌兢飄忽寒至擁
霜水濁醪可沽且百升我欲作歌歌未能中宵伴影
一孤燈

出兵行 三首

砲聲轟甸角聲急驟裹萬騎出京邑駝駝罪咎鞍山
立鐵衣金鏃光翕翕鐵衣防身身欲穩金鏃穿人骨
必入去時先想歸時利蠻童蠻女馬上繫

南天火雲漲青岑北地水精涸大陰江涸不得揚帆
行塗泥深阻馬崎嶇九月草枯鷹狗活遇便且各獵
長林繞鞍雞兔人人得尚挽輕弓射飛禽

稻稷千山糧萬艘日給月放民脂膏蕃書木板下郡
邑吏胥倉皇死逗撓椎牛殺豕朝朝肉傾甕倒盆夜
夜膠南軍新得入北軍更比北軍氣暴豪

補編

十三

北行詩

五言律三十首有序

余以壬辰六月二十日廣陵買車騎由淮泗
歷堯青濟德來長安途中涉覽筆難盡記因
憶鍾伯敬駐秦淮時以秦淮所見作俳體十
數首絕佳所謂子瞻胸中別具爐鞴街譚巷
說皆可入詩也今櫟括近辭作北行五言律
三十首雖南北異地苦樂殊致而用以遣懷
書事不必選言擇句亦可發採風者一嘆矣

歸來千念息何事復長征行李前年敝橐鞍此日輕
高朋循舊餞老吏發新程山數無寧宇強顏向市城

二

鷄鳴人早起欹枕未能眠鼻觸熱塵氣口流酸水涎
多鞭驚鈍馬細雨濕重墮路岐東西指客心方各天

三

烟火絕茅廬驅馳老鬢鬢早殮過日午晚酌到星初
篋置祇存鉢盤空不藉魚主人寧好客攔路邀官車

四

補編

十四

終日苦推敲此身如繫匏心提研筆亂視眩字文滄
布襪污難澣葛巾漬易膠東都不遽到買島愧蓬茅

五

纔脫風濤險又歌道路難饑年人色瘠旱野物聲乾
疾病家宗遺千戈處處殘所經無好景不忍駐驂看

六

竹輿皮作輓驢背當人肩與衆同趨走知塗各後先
裹瘡嘶雨夜忍痛泣霜天觀者皆嘆息主翁不見憐

七

泗流東不返陵木供燒薪里曲唱花鼓嬰兒襁婦人問瓜皆道富言米輒稱貧零落王孫地傷心故國臣

八

漳鄴行將渡又云向海青江南川見石河北水流萍總是纔開路都非舊眼經畏炎須晝息夜步屢侵星

九

羣盜滿山東萬騎皆戴紅失耕爲草竊無地著傭工古道多荒莽前塢盡伏戎但聞遺老說死後得重逢

十

補編

十五

早風六月寒午日百夫汗旅主稱長膾情騎號短盤豆芽和水飯麥子作羹食截肉豹胎擬隻鷄麟髓看

十一

琵琶聲撥發土榻坐紅裙賣酒騶興子呼茶招僕羣盛顏全野氣諜語盡鄉云祇取須臾樂不愁袂易分

十二

徧地草爲屋瓦磚眼見稀棟樑榆柳架垣壁葭蘆圍禾黍田間足牛羊郊上肥是中風俗好奢麗事俱非

十三

秦嶽與天齊羣山入望低學文推魯國遺化及關西王蠋經何樹田橫葬那蹊道旁留古石猶把仲舒題

十四

孟母千年廟接連滕與鄒井田存故蹟經界見成謀此地昔曾到前途今不由安知烽燧後獨得保荒丘

十五

東粟引長陂果黎千百枝祇爲兵欲燹遂使樹無皮行子徒饒口下車但渴思滄桑年代改萬事盡如斯

十六

補編

十六

六時三洗沐猶積寸餘塵乍面疑非我回眸始認人支床須土塊貼坐藉枯茵僮僕私相語道途真苦辛

十七

驅車向市邊觸目總顛連盲擊板言命啞搖鈴乞錢途窮誰並轂擔少孰摩肩昔道臨淄富于今盡廢田

十八

所至記食宿墻頭滿姓名題詩不用韻得句自無聲雨夕風朝事南來北往情何勞頻掃却逆旅閱人成

十九

我行雖陸路數數涉河流人馬共危險死生同憾憂
曾將忠信抱未肯波濤投舟子驚風惡求神自扣頭

二十

旅舍涸賢愚喧聲鬧夜廚偶然逢我輩庸敬出斯須
遶市問清酒千錢傾一壺珍重今夕意詰旦又長途

二十一

旱潦自常事陰晴隔異鄉方從炎裏至忽向淖中行
客苦泥妨路農思水護秧將人爲造物亦必兩虧望

二十二

補編

十七

濟南非忝竊北地果無儔書腹富千廩筆端驅萬牛
爲詩曾和雪作賦亦悲秋借問昔才子二君今見不

二十三

五更月色微露下濕征衣老樹疑人立孤雲似鶴飛
相將尋野徑共計脫重圍遙見數騎過梁山掠地歸

二十四

兗地亘千里當年生意繁矧墮垂滿市巾帽掛盈門
奏集爭晨早喧聞候暮昏吾行多寂寞喜見舊風存

二十五

長鏡拂短柄小犢負輕車盤貯青蔬菜裹包白粟麻
療饑焦餅具消渴薄熬臠土人謂酒口熬盡道爲農去都忘
是賊家

二十六

旬餘不見山驟望頓開顏遙翠出天半倒形廻水間
路遲人已倦行急馬偏頑爲語暫停轡偷支片刻閒

二十七

瓦盞盛紅脂揉綿纒帶絲乘虛趨末利作偽治生資
有眼惟看俗多錢不買奇何須論價直餓殺德州兒

補編

十八

二十八

民歸問賣劍山窠鑄東錢時賊渠已撫於沂水縣山中造錢日東錢偏行省市
當道不禁苟且招安計浸尋滋蔓年猶然千串使仍用百

爐煎吳渙各驕富鄧通不足憐

二十九

老杜蜀遊日仲宣荆走時晚年辭乃妙所過語俱奇
山水供圖畫曲謠佐鼓吹試看陳壽志何似二君詩

三十

踉蹌離暑夏跋涉到涼秋高臥昔誇謝重來今咏劉

一官元五品爲郡不專州預揣懷中刺應慚到日投
市水

水到市中難投門賣苦酸茶炊香氣滅藥煮濁泥殘
人馬同求井雪米互入盤西江食一口何啻萬金看

市草

人皆言草賤市以草售錢結子鋪涼坐蘆花貼煥眼
餵騎勞剝割葢屋事纏編閭閻今如此林中想昔年

市土

煤與土相和土多煤見多價輕因客便燥氣使人魔
補編

十九

團碎久粘壁搗成方熱鍋南中新入北香火定隨過

市石

城內不客住頽垣各有疆磊壘空滿眼砂礫少餘光
一雇百家使千車萬堵忙山居終日臥鼯鼠尚支牀

長安夜聲二首

聞夜千人語遙聞一槩聲官馳無靜隸路禁有喧兵
醉後囂爭態寒來叫苦情販童更聒亂物物自呼名

其二

燈張處處紅嬉宴笑言同悶客歌悲筑愁聞響怨捫

烏訛城淚鶴火駭寒風入夕殊清切安能耳似聾
索米禁不及米得三首

客囊提携少依人暫卜居窓風吹破幔照日耽殘書
僕懶不趨市身孱只臥廬思歸歸未得可惜故園蔬

其二

有文無處賣落筆盡酸辭輕葛已過敝重裘安得資
空孟留宿水冷舍見生枝憔悴山人色出門欲詣誰

其三

馬骨屹如山力微步自艱神龍時作吼老豹欲藏班
補編

二十四

早起雀門靜宵深鼠廩閒星星漸兩鬢苦楚住塵寰

壬辰七月二十七日入都門作

二十韻五言排律

棲身甘遁隱遇險復飄流水陸窮車楫騎乘困馬牛

著紗方畏夏裝絮忽驚秋顏面塵猶罩襦囊濕未收

故人知我到倒屣急先投初見暫寬解久譚始感憂

廢坊尋老屋要路覓閑駒官關改遺制吏民非舊稠

攢叢闌郭外蹲踏滿城頭北走迷南巷前趨誤後溝

風侵重聽耳霧塞積昏眸黯慘雲光冷荒涼日色瘦

傷心惟掩淚撫事但長謳昔日繁華地于今落拓遊